



## Universitätsbibliothek Paderborn

**R. P. Ioannis Evsebii Nierembergii Vita Divina, Sev Via  
Regia Ad Perfectionem**

**Nieremberg, Juan Eusebio**

**Antverpiae, 1644**

Capvt XXIV. Opera omnia non solùm propter Deum, verùm etiam quo illa modo fieri vult Deus, cum insigni perfectione, facienda eße.

[urn:nbn:de:hbz:466:1-46802](https://nbn-resolving.de/urn:nbn:de:hbz:466:1-46802)

bonum nostrum: *Non mea, voluntas, sed tua fiat.* (a) Quòd si duæ res indifferentes aut bonæ nobis offerantur, quarum alterutram necessariò eligenda sit, neque major ex una quam alterā, Dei gloria, perfectiōre Christi imitatio, aut mortificatio nostra dependeat & sequatur, tum verò securè, sinc ulteriori examine, utramlibet licet eligere, illamque Deo offerre, ipsius amore perficiendam: & quamvis opus foret indifferentis, quia sic tamen ad Deum dirigitur, imprimis erit meritorium atque lucrosum.

*a Luc. 22. v. 42.*

### C A P V T XXIV.

*Opera omnia non solum propter Deum, verum etiam quo illa modo fieri vult Deus, cum insigni perfectione, facienda esse.*

V Erum haudquam sufficit, quæ facimus, purâ Intentione facere ob Dei amorem, ipsiusque sanctissimæ voluntatis impletionem; sed necessarium præterea est, ut quo modo vult Deus, cum insigni scilicet perfectione, eadem faciamus: & quæcumque de gradibus intentionis, ad rerum substantiam pertinentia, huc usque dicta sunt, æquè in earumdem adjunctis &

circum-

## C A P V T   X X I V .   257

circumstantiis, modoque operandi, ut perfectè fiant, sunt observanda, eademque obligatio, quæ est, faciendi res propter Deum, obstringit quoque, ad easdem ita, ut Deo placeant, faciendas. Si enim, quia creaturæ & opera Dei sumus, eidem debemus quidquid sumus, & possumus, & facere poterimus; ( quemadmodum arbor fructus ei profert, qui illam plantavit) certum est decere, ut debitum hoc & fœcunditas ei, cui debetur, serviat & consecretur: fructus vero, quem ex operibus nostris Deus colligit, ipsius est in illis beneplacitum. quare nisi rectè illa fiant, fructum ipse hunc sibi non decerpit, nosque superflui sumus, ac velut cariosæ & exesæ arbores, quarum fructus rejiculi sunt & nihili. Dei quoque mancipia & servi sumus, Deusque Magister noster & Dominus est: adeoque, uti servus omnia opera sua deber Domino suo, & quidem illo modo perfecta, quo hero placet; ita & nos nostra ante Deum facere oportet. Nam quis servum eum toleret, qui quidquid facit male faciat, omnia perdat, è manibus labi sinat, frangat; & quibuscumque in rebus hero suo servire debet, easdem destruat & dissipet. Atqui estimabilius pretiosiusque nihil possidemus,

mus, quām opera nostra: quia talis unusquisque est, qualia sunt ipsa. Utque satis non est, Attalicum auroque intextum panum & telam laudare ac æstimare, solum quia Attalica sit: verū illud illum, splendidam & puram esse necessum est, quippe si splendor iste radiique absint, fodesque illa maculis notata & inquinata sordeat; tantum abest, ut regalis inde purpura confici queat, ut qui illā vestire Regem vellet, gravissimā ipsum injuriā affecturus crederetur. Eodem omnino modo, bonas in seipsis; quas quis facit, actiones esse nequam sufficit, ut propter eas à Deo æstimetur: sed necessarium est, ut recte factæ, sine labe alioque vitio sint, ac sibi debito splendore non destituantur. Et verò si vestem quæ corpus tegit, minimā ex oleo maculā inquinari, lacerari e aut dissui non ferimus, in actionibus, quæ ornamēta sunt, ac decora animæ nostræ, sordes & confusionem feremus? sique nobis-met-ipsis scissum & contaminatum vestimentum displicet, inquinatissimis imperfectissimisque pleni operibus, in Dei conspectum venire, num audebimus?

Satis itaque non est, facere solummodo quod Deo placet; neque, id facere tantum pro-

## C A P V T   X X I V .   259

propter Deum: verum ita fieri hoc ipsum  
debet, ut Deo placeat, atque tale sit, quod  
tanto Domino, proque tot & tantis quibus  
ei obstricti tenemur debit is, offerri conse-  
crari que mereatur, quod namque res est ex-  
cellentior ac nobilior, Dei amore operari,  
hoc amplius culpandus castigandusque ve-  
nit, qui in opere istiusmodi, in boni a deo  
Domini & Patris gratiam suscep to, non  
omnibus opibus viribusque elaborat. Hinc  
Societatis nostrar e parens Sanctus Ignatius,  
si quem ab re quapiam remissiorem depre-  
henderet, atque ex eodem, Deum se, cu-  
jus causâ omnia ficeret, operis sui finem  
habere audiret, severè hunc talem acriter-  
que reprehendebat, dicebatque: *Si Deus  
propositus tibi finis est, graviter certe multa-  
beris. Nam Mundo negligent servire, ac va-  
nitati segniter indulgere, haud magnum sanè  
crimen est: qui autem Deum spectat, eum  
oscitanter aliquid facere atque ignavè, intol-  
erable est.* (a)

Porrò ad opera nostra perfecte exse-  
quenda, considerationes sequentes mul-  
tum juvabunt.

*Primò, Secum quærere: Quomodo vult  
Deus, ut hoc opus faciam? Christumque  
audire*

a Ribad. Vitæ libr. 5. cap. 10.

audire dicentem; *Estote perfecti, sicut Pater  
vester celestis perfectus est.* (a)

*Secundò,* Christus ipse quomodo id fa-  
ceret? quem imitari, omniumque actio-  
num nostrarum exemplar absolutissimum  
regulam certissimam; supremamque per-  
fectionis legem intueri nos decet; ope-  
ramque dare, ut cum fervore, charitate,  
quantaque possumus diligentia, nos quo-  
que operemur.

*Tertiò,* Cogitare, Operis nos nostri, mo-  
diique, quo illud exsequimur, testes Iudi-  
cēque Deum habere & Angelos. Cui pu-  
blicè aliquid in oculis & conspectu Regis  
præstandum, quam sollicitus ille est, utre-  
ctè omnia accuratèque fiant?

*Quartò,* Quando ante Dei tribunal sta-  
bimus, quando ad novissimum quadran-  
tem ratio à nobis poscetur, quando expli-  
cabitur & excutiuntur opera nostra,  
quando Deus illa censembit & ponderabit,  
quo tunc ea modo fecisse optabimus? Vide  
quam opifex aliquis, cui elaborandum est  
opus, de quo sententiam laturi judicaturi-  
que sunt peritissimi Artifices, omnibus il-  
lud ex partibus perfectum efficere studeat  
arque expositum.

*Quintò,*

a Matth. 5. v. ult.

Pater  
id fa-  
ctio-  
num  
e per-  
ope-  
itate,  
quo-  
mo-  
Iudi-  
i pu-  
Regis  
atric  
Ista-  
fran-  
xpli-  
stra,  
abit,  
Vide  
a est  
turi-  
is il-  
deat  
intè.  
CAPYT XXIV. 261

*Quinto.* Qualiter id in hora mortis fe-  
cisse exoptabimus ? atque, si dolebimus,  
quo tempore corrigere illud & emendare  
non poterimus , quare non modò, cùm  
possimus, opera nostra, magnâ cum per-  
fectione, exsequi & velimus, & conemur.

*Sexto.* Si ultimum istud, quod in hac vita  
facturus essemus, opus foret, quām sollicitè,  
illud, pieque ac devotè faceres? pari tibi  
modo omnia opera facienda scias.

*Septimo.* Considera, quanti referat opera  
hoc illō ve modo fieri, aut ad majorem glo-  
riam acquirendam , aut ad graviores in  
Purgatorio pœnas accersendas : & quan-  
tillum laboris amplius ad rectè ea facienda  
requiratur,

*Octavo.* Perpende, quām pulchrum sit ac  
preclarum, Deo placere, quantaque contrà  
inordinatio, quòd eā ipsā re, quam facien-  
do, ipsi placere cupimus, ob modici laboris  
impatientiam, eidem dispiceamus? Quan-  
ti olim æstimabatur, unius Assueri Regis  
oculis placere posse? cuius conspectui si-  
stenda puella aliqua , deligebatur è milli-  
bus, ac deinde solidus, illi ornandæ polien-  
dæque, ut coram rege comparere posset,  
annus impendebatur. (a) qui fit igitur, cū  
coram

a Esther c, 2. v. 12.

coram ipso Deo apparere, eiique offerri debeant opera nostra, quod non summa curâ studioque in iis perficiendis versemur?

*Nonò.* Tali ea animo delberationeque facere congruit, quasi aliud nihil facendum superesset, ut quid enim illi obiter adeò perfunctorieque percurrimus; cum unum opus bene, quam mille male facere, longè præstet.

*Decimò.* Illud quoque non mediocriter prodest. Pro die præsentie dumtaxat sollicitum esse. Quis enim non uno saltem die velit bene vivere? atqui crastinus dies incertus cum sit, hodiernum periclitari non licet. Neque tota simul vita cogitanda est, quam non simul, sed per partes ducimus: quia & sarcina facisque, qui colligatus nos terreat & quem gestare posse desperemus, particulatim acceptus levis est, & ferri potest.

Concludo ad extremum hanc de Intentionis puritate, quam quis Deo præcipue placere studet, dissertationem; dicoque, Ejusmodi hominem, non bonis tantum, nec tantum indifferentibus operibus plaritum mereri: verum nihil quoque faciendo, maximorum operum mercedem

præ-

CAPUT XXIV. 263

præmiumque, eumdem consequi posse,  
propterea quod, cum opus ipsum præsta-  
re non possumus, solâ ejus voluntate  
contentus fit Deus. Ideoque hoc tam sin-  
gulare merendi instrumentum medium-  
que nullo modo à nobis est negligendum:  
sed continuâ cum sollicitudine affectu-  
que, præclara perfectaque Deo opera sunt  
offerenda; re ipsâ, quotquot virtutum  
actus vidimus umquam vel audivimus,  
exercere, tantaque supplicia & tormenta,  
quanta Martyres omnes subierunt, per-  
ferre desiderando; adeò quippe sincerus,  
verus & vehemens potest esse affectus iste  
& desiderium, ut operi ipsi æquivaleat,  
& par sit.

Multò verò amplius providendum est,  
ne quando inutilia, sed ut fructuosa semper  
opera faciamus. Nam uti fœda est confu-  
sio perturbatioque, quoties re quapiam ad  
alium, quam destinata est, finem abuti-  
mur: ita non minus turpis est inordinatio,  
quando prorsus otiosa illa remanet, neque  
propter finem suum perficitur, præsertim  
si egregium sit opus magnique momen-  
ti. quis autem major nobiliove esse finis  
potest: quam Dei gloria? Cùm itaque  
in hoc nati simus, ut ad illam universas  
actiones

## 264 VITÆ DIVINÆ

actiones nostras referamus & formemus,  
numquid illud facere , fructusque , quibus  
tantum Dominum honoremus, identidem  
proferre prætermittimus? (a)

*a* Commentarium plerorumque hoc capite  
dictorum habes, lectu dignum , apud Roderi-  
cium part. 1. Tract. 1. & 2. Suffrenium quoque  
Anni Christiani Tomo 1. parte 1.

## C A P V T X X V .

*Quo se modo aliquis in omnibus que facturum  
est Deus, ad ejus voluntatem conformare,  
illiqꝫ acquiescere debeat.*

V T nostra voluntas divinæ voluntati  
conjungatur & uniatur ad hoc non  
sufficit facere , quidquid à nobis fieri vult  
Deus : sed pati præterea oportet & tolera-  
re , quæcumque eiusdem adorandæ Majes-  
tati nobis placebit immittere; aut permit-  
tere, cùm omnimodum ipse ad hoc jus ha-  
beat. Nam propter supremum dominium,  
quod in suas obtinet creaturas, iisdem pro-  
libitu suo uti, eas destruere & ad nihilum  
redigere potest, ita ut nemo hoc illum abs-  
que ratione agere, queat obtendere Quòd  
si enim unicuique , eò quòd suum & pró-  
prium est, quod liber facere licet ; quid ni  
Deo idem liceat? Cur hoc eum communi  
privilegio spoliemus? Quare nosmet ipsos illi

bonorum